

鎮江縣推記佩年書局

地 825
914

自序

贛江歸櫂記。予壬子夏沿江紀勝之作也。藏之書籠周八歲矣。近檢舊作得是稿。彌增感舊之思。昔顏斐戀京兆。盧慤戀靈昌。蘇子瞻稱韓魏公去黃州四十年。而思之不忘。至以爲思黃州詩。魏用晦爲吳縣去三年。與歸熙甫同在內庭。展玩吳山圖。相與太息。不置古之人。恆於舊遊之地。再四致意。蓋迹之所至。情之所存也。予之於贛。亦猶是耳。茲將原稿重加修飾。事則存舊。有所發輒附。按於後以別之。付諸剞劂。以永紀念。然予非官不敢比諸黃州詩。吳山圖惟曉。念雙江願隨顏盧。韓魏後也。存是編即贛江。而以京兆靈昌黃州吳山視之。庶幾進而愈上。櫂湖海。登五嶽。遊踪所及。得窮奇勝。皆匡廬章貢導之矣。詎敢效袁枚抱重到沐陽圖。遊武夷山。自歎觀止而自止其遊哉。

中華民國九年歲次庚申七月武進冷厂李法章自識於無錫輔仁中學校

贛江歸櫂記

自序

一

錫成印刷公司代印

贛江歸櫂記

余客贛久。因輪舶往來。沿江諸名勝。未能一回領略。幸負青山綠水。已八閱星霜。民國元年五月杪。因父召。偕凌丈毓雲及常熟范君幼一。雇湖北二號紅船。整裝同返。前後二十一日。得暢游大孤小孤石鐘。馬當諸名山。旣歸。筆而出之。非敢言文也。亦聊備他時再駕遊。贛之楫作鴻雪之證焉耳。壬子古歷六月武進李法章記。

六月一日。余辭去贛軍政府秘書。賴省光復吳介璋氏爲都督。余入長祕書廳中經彭程萬齊看混珠。自恨非魚目縱有高冠不敢彈。未幾李烈鈞氏接任。余辭去授余獎券一紙。一及江西客籍學校提調職。客籍學堂係光緒三十一年春由候補道員湖北吳慶灤辦集各百餘人歛存藩署按月支取。余前曾爲該役兼中等工業算地。操數員光復之際。教職學生雲散一空。憲兵移駐其間。儀器窗壁毀者七八。會計李崑山君因余在軍府謀商恢復。余諸督之。惟存欵銀萬三千七百餘兩。已爲清理財政處乾沒。遂開十七省學界聯合會公推吳都督爲名譽校長。余爲提調代行校長職務。存欵始行提出。招集舊生僅及二百。聘定教職蒐集舊物於十月二十六日開學十二月辦理畢業計中學劉培元柯顯曾鐵昌朱錫恩徐十澤南萬大蕃陳康年陳德炯馬之龍舒國璋陳受采余桂芳牛葆彝牛葆恂趙鈺黃曾元等。十八人中學預科鄒興道高小鄭思儒等三十二人。是校辦理七年。中學畢業尙爲初次。後整與浙杭夏守忠提議籌捐維持。事未就緒。而父書迭至。遂返夏君爲軍政府一等副官。後整

贛江歸櫂記

錫成印刷公司代印

頓歸裝。竟半日忙。始克就道。是日空氣炎熱。直達九十度。午後二時。與仁和王筱齋君、姑蘇張漢澄君、上元萬康侯君、同邑姚渭濱君出。章江門遊滕王閣。閣高五丈。清乾隆五十一年重修。面臨章江西南向。第一進平屋通十二間。左首六間尤寬敞。另啟一門。顏曰仙人舊館。館前一亭。峙江口。顏曰帝子長洲。閣在第二進。歷階七級。卽閣之下層。東南西三面皆空。惟北面中門八扇。高可二丈。粉紅色。書王子安序文於其上。字爲顏柳體。筆畫染綠色。楹聯十餘。惟劉坤一一聯懸正中。劉於洪楊之役。固有功。清室者也。劉曾爲江西巡撫使者兩旁各石臺一崇碑矗立。皆後人之記序。鏽迹漫黑。略可辨識。昌黎之序立左方。字較清。中門後樓梯十數級。登其上。卽閣也。廣可五間。位滕王子嬰木主於中閣外。一匾曰滕王閣。字約三尺平方。旁一聯曰。大江東去。爽氣西來。大亦尺許。平方此地。卽王勃所謂上徹重霄。下臨無地者。今則閣勢低平。江流淤淺。桑田滄海。徒爲後人弔古之資。天下事。皆作如是觀也。閣中設西區小學一所。頗整肅。宣統元年。余曾代吳鐵江唱歌課兩週。爰題七律一首。

崔嵬高閣俯章江。江南浦浮雲客繫艤萍梗。遨遊逢勝境。物華蒙蔚羨名邦。烽烟百刦身如寄。

文字千秋興未降。願假幡帷常駐此。兵書萬卷譜無雙。

六時十二分偕王君等折回城中遊東湖北岸之水觀音亭築室水中地甚雅潔石橋如虹過之即是寺左爲大同學校係粵西周六平君創辦余嘗與病驥染園譚詩於此光復後因駐兵未能續辦殊爲可惜余等入寺有僧擊磬三聲若致歡迎意者涼風微拂爽氣自生一片清涼境界不復知戶外尚有炎境在也因有感觸作暮遊水觀音亭一首

湖光粼灔夕陽紅水亭高聳東湖中紆橋曲檻環金殿入拜觀音寶像崇羅漢哈哈常大笑金剛凜凜生威風四旁古佛思歸否故國邱墟哀澤鴻此去茫茫南海遠回頭是岸啓羣蒙廟右橋頭有晚鐘起處聞清梵一洗塵囂萬慮空彷彿此身來世外飛昇初到玉虛宮僧言回頭是岸坊曰靈應橋菩薩多靈應因此廟而名其求子求名感遂通我試問神神不答一笑向我應終窮清談未已大將暮短景催人愁萬叢年過三旬猶落拓江湖浪迹等飛蓬僧原似我殊閒散我不如僧氣靜沖燈火一龕渾夜讀詩書畢竟負英雄何年直奮翀霄翻仰首長吁吐白虹安得慈航千萬艘普渡有志之士同奏濟川功提燈返舟暢談竟夕

贛江歸櫂記

二 錫成印刷公司代印

三日晨獨遊孺子亭即東漢徐稚隱居之所對面爲蘇公渚即蘇雲卿宋廣漢人紹興間隱於豫章以敬愛之稱爲管樂流亞凌既相屬豫章漕帥物色得之漕帥造其廬通渠無周圍約七里東岸垂楊三里南自三道橋北車馬喧騰至水觀音亭人聲雜沓百花洲在湖之南岸若半島然爲贛垣名勝之一每當六月滿湖荷花盛開三五

湖船波心盪漾翩翩裙屐恒攜琴把酒其中以避炎暑以消永夜故日則遊艇出沒花叢或隱或現晚則水上明星萬點倏有倏無酒韻色香黏花欲滴絃聲笛語步浪而來幾疑非人間世也其東南岸有橋曰三道橋橋畔有藏書樓供人瀏覽此樓係謝侍御遠涵於宣統二年建築者余賦東湖櫂歌四章

三道橋邊自點篙舟人失笑語噭嘈似聞不識游湖趣未得消閒先得勞

艇入蓮間。蓮氣多。兒童拍手唱蓮歌。蓮花輕拂遊人袂。惹得蓮香上綺羅。四面湖光浸月光。百花洲畔芰荷香。遊人都向高樓醉。誤把南昌當汴杭。

連船燈火接參橫。四面歌聲雜櫂聲。酒興酣時眠興逼。輕舟乍泊已天明。
百花洲對面爲江西民報館。編輯部蔣蔚文及同學俞濟川留午餐。索余薙髮贖史。余以不曾脫稿辭之。略話近狀。即出報館西北行。過小橋及彭公雪琴祠。約三餘十步。至陳列所右折過鐵柵欄。有高二丈之石碑。當前挺立。百花洲三字直入眼簾。書法甚佳。蔣君告余曰。此先祖芳手筆也。余諾之。北折過三洞橋。垂楊夾道。綠蔭森森。即至江西鐵路總局。其西爲沈文肅公祠。即清代中興功臣沈葆楨也。祠共三進。甚軒敞。前年江西物產會。曾開幕於此。楹聯頗多。最後一闋。花木甚衆。其第二進之西偏夾街深邃。右轉兩角。有梯可上。輾轉三十餘級。達其巔。廣廈五間。塵痕半寸。若無人管領者。中懸一像。花翎紅頂。年過五旬。方面微鬚。身材瘦小。惟目巨有光。一望而知爲沈公遺像。蓋沈公初爲江西玉山縣令。洪楊之役。有守土功。擢廣信太守。得夫人林氏助。有林夫人乞援饒廷選書。保全郡邑。升巡撫。後人立祠。崇其功也。西行數

贛江歸櫂記

三

錫成印刷公司代印

十武。登一閣。三面臨湖。天然風景。爲夏賞綠荷之勝地。小憩下樓。穿花徑。過曲橋。湖堤百步。即至冠鰲亭。亭踞山頂。怪石嵯峨。可臥可坐。故攝影者恆借此以佈景。下亭東向。有長堤。約五十步。至蘇公亭。亭內有蘇雲卿之神龕。樓之上層。位置極窄。惟四面洞達。亦足以暢叙幽情。耳南望孺子。北接冠鰲。鼎足成三天然。圖畫三時。與蔣愈二君別。獨往軍法課。訪劉荀八君。途次憶及是年春季。曾遊斯洲。題詩兩首。附錄於后。

湖光明媚接花叢。曲徑香飄兩袖風。亭畔春波新漲綠。樓頭夜雨舊凝紅。避秦豈必桃源裏。沽酒還來柳岸中。最愛游虹漁櫂晚。聲搖曳入晴空。

蜂蝶紛紛綠萬叢。楊花飛舞曉隄風。波光有意連天碧。淋雨無情滿地紅。海燕營巢來水際。冠鰲倒影入湖中。烽烟四處增惆悵。長歎一聲仰太空。

軍法課屬軍政司。設前清布政使署中。光復後。吳復初。彭凌霄。馬元良三都督。開府其中。其地即明寧王宸濠之故邸也。第宅連亘。爲贛垣最大區處。惟園亭荒落。不易重修。前後套屋百間。亦傾圯殆盡。正所謂高明之家。鬼瞰其室矣。一門上一匾。甚巨。懸屏輸兩正字。大可丈

六見方。其筆力之道勁。結構之雄偉。世所罕覩。相傳爲宸濠之妃婁氏所書。大堂東側。豎石碑二。刻屏翰兩字於上。大與匾字同。殆保存之意歟。其正門一聯云。庾匡千里。開生面。章貢雙流鑑。此心猶清代之遺也。劉君爲余言。李督協和將舊撫署改建都督府。行將告成。不日即須由行轅遷入。云云。言已而別。是日熱度未減。揮汗出德勝門。娘坦共七門德勝章江廣潤進賢順化治富澹台

越城濠至婁妃墓。墓旁有高初等小學一所。朱冠南爲校長。朱君蓋江右之廉隅自守者。清宣統元年。余曾代課兩週於此。二年九月。又在此遙祭仲妹。傷心之地。今日重來。益黯然也。但見墓門高拱。斜對江頭。墓以黃石砌成。周圍約八丈。高可五尺。四圍斷碑殘碣。血痕殷然。與夕陽相掩映。墓前一碑。曰明庶人宸濠賢妃婁氏之墓。噫。宸濠非明之藩王乎。其就封南昌也。非其功也。卒以貪天受僇。累及婦人。今則城堞依然空留。恨史贖此孤墳三尺。永枕江干。明月愁看。狂風悲嘯。益以江濤衝激。猶帶千年嗚咽之聲耳。吾爲宸濠惜。吾爲婁妃悲。是時舟子因開船在卽。催速歸舟。已八下鐘矣。鳴鉦解纜。順流而行。未幾。大雷雨停泊七里灘。

野田荒塚面積千
畝在省城北五里

贛江歸權記

四

錫成印刷公司代印

四日下午一時。至樵舍。贛江之要地也。昔王守仁督師獲宸濠於此距省城六十五里見青苗或或。勢將孕穀。屈指家鄉。麥事尙未了也。野店荒涼。民俗簡樸。如十九世紀中葉人。遂略遊而返。中宵風作。意境殊惡。百方驅遣。終覺悶然。回憶丙午秋深客居不樂。作感懷六首。遽遭喪母之憂。語云無喪而感憂。必讐焉。心中益復怦怦也。附當日原詩於後。以爲鑒戒。

客中囊橐易空虛。貧賤依人總不如。浪說十金能市骨。還教百感集。家書功名富貴原關數。性命文章妄學儒。痛飲江濱十斛水。且將狂醉放狂輿。一生樂少苦偏多。落拓憐撲火蛾。困讀詩書名益隘。慣從顚沛骨經磨。中年百事繁懷抱。實海微身太坎坷。此恨欲消天地窄。笙簧恍聽五雲歌。愁緒滿腔心膽碎。廿年誤我太聰明。客中事業殘秋景。病裏光陰厭世生。貧賤無交真閼歷。衣冠多破見精誠。依人壓綫終非計。况復斯時禮貌輕。代人算米又量柴。如此棲身計亦乖。酒不盈杯心已醉。駒偏虛策恨難埋。青山有舊添吾感。白水無緣阻我懷。壯志空存老且至。姍姍涕淚袖難揩。

西風吹水。水添愁。波蹙眉峯。皺不流。深愧浮生羞。父母何堪游子慰。春秋兩行客。淚染紅葉。

一個奚囊付白鷗。泛泛此身何所適。蒼天欲問亂搔頭。

匹夫何事不堪誇。袖有清風帶有花。興到吟詩斟濁酒。癬生採藥得鮮芽。時有英雄未遇。生如死貧賤長離客。當家紅豆無端偏撩我。和衣愁絕臥烟霞。

五日阻風未行。與幼一談終日。辨正經書解法多則。(一)論語自牖執其手。朱子南方人。未悉北方乘炕情形。註牖爲南牖。未合。(二)左傳沐。則心覆山西沐時用長桶人立其旁。彎體而傾頭於水者。故曰心覆。若以南方沐狀解。不可通矣。(三)詩經陶復陶穴。考地理山西叢山峻嶺。嚴寒逼人。故人皆穴山而居。如窯戶然。此陶穴之說也。而陶復則穴。上加穴也。(四)詩經熠燿宵行。熠燿二字作螢解。由來舊矣。竊謂當以宵行作螢解。熠燿二字乃形容螢火之忽明忽暗也。(五)詩經其葉肺肺。明星晳晳。讀者皆加圈其上。讀肺爲沛。讀晳爲制。不知北人無入聲。晳音若細。肺疊韻本無用。加圈改讀。且據物理學証之人之呼吸以肺。樹之呼吸以葉。夕類肺形。則其葉肺肺句絕妙形容也。晳明晰之意。讀若制作何解。後又談及衛

贛江歸櫂記

五

錫成印刷公司代印

爲共行二字合成。有共同經行之義。甚通。北人言語不同。誤衡爲衚衕。衚衕即衡字之轉音。如魯人聽吳越鄰三字。其發聲收聲。若爲勾吳於越鄰婁者。然其勾於婁三字。乃聽者之誤也。又與祁連二字。本天字轉音。滿人福晉二字。本婦人二字轉音之理同。又漢書三老五更之更字。相傳爲叟字之誤。

按時代遞進。文字亦迭增。三代而下。增新字。如始皇之崩。罪二字。武后之曌。墨。恵。髮。圈。正等十八字。南漢劉巖之龔字。與隨文帝之改。隋王羲之改。陳爲陣。三倉之合。尼邱爲邱。尼江西人之合。章貢爲贛。紺是增文體。如韓昌黎創造之贈序。雜記。墓誌。銘。神道碑。歸震川創造之壽序。是今則科學盛行。新增之字日多。而白話文體。所以震耳而來也。六日下午二時至吳城。大鎮之一。卽景德樟樹三湖吳城是。偕幼一。毓雲。信步一游。大街南北向。約長里許。頗熱鬧。餘與樵舍相伯仲。有小學兩所。生徒頗多。傍晚歸舟。見鄰船一人啖猪骨。碎發脆聲。興復不淺。因思賀蘭進明好食狗糞。人性反常。一至於此。問幼一。有此事。幼一曰。古來食性之異。不可解者甚多。如食蛇。食蝎。食吳蚣。食蚯蚓。食蚱蜢。食蠅。食螬。食

促織食蟻蝨食灰食土食瓦食銅鐵食頭垢食脚皮食毛蟲此則五方風氣不齊在此爲常在彼爲怪者他如劉邕之嗜痴鮮于叔明之嗜臭蟲虞長孺之嗜人爪或係奇疾或係腹內有蟲之故若唐舒州刺史杜懷蕭左司郎中任正名駙馬都尉趙輝之喜飲人精此皆託於補益不計其由來之污穢也惟賀蘭進明一人好食狗糞却不是食性之異大抵厲氣所鍾雖貝人形全無人性矣

七日阻風未行下午一時遊望湖亭亭係三國時周公瑾練水師於鄱湖所建有碑記可考後明太祖與陳友諒戰於鄱湖友諒妻曾登此亭觀戰友諒敗死其妻遂殉故又稱望夫亭亭係三層聳峙山頂登其最上層式角縱橫街市歷歷在目大有登山小魯之概其第二層正門之左右有石碑各一刻一筆寫之龍虎二草書見方約三尺旁有咸豐十一年九月鮑超克復吳城之碑記上下楹聯琳瑯滿目不勝記憶循視一周已金烏西墜遂購木刻梅粧五幘而返晚後問幼一數事一漢高祖尊父爲太公何意二后羿似有兩人射十日事確否三顏淵不遷怒不貳過其學問到何地位四江蘇之蘇字何義起於何代幼一曰詩云古公亶父

贛江歸権記

六

錫成印刷公司代印

來朝走馬是亶父者殷之諸侯周之古公也及武王克商追尊三代古公曰太王季歷曰王季西伯曰文王此王者稱太之始後世稱前皇曰太上皇稱前后曰皇太后皆本此義漢高祖旣有秦楚其父迎居宮中未有尊號逮其家令說其父擁篲却走始尊其父爲太公按此時漢高祖猶未知皇帝之尊而又不學無術故卽其爲沛公之稱尊其父爲太公也此其一考古時羿本有二人皆具無窮之力以善射名竊不死之藥於西王母之羿曾射十日者也繳大風於青丘殺猰貐_{猰貐如鴟而虎爪食人}封禽豕於桑林誅鑿齒於嚙華之野戮九嬰於凶水之上而後萬民復生許氏曰羿臣堯河伯溺殺人羿射其左目風伯壞人屋羿中其膝又誅猰貐九嬰之屬非有窮之君也有窮之君羿爲寒浞所殺此羿則後因仙去迥不同也又云十日人名羲皇之子非天之日也此其二顏子亦知仁勇者也觀其問仁夫子告以克己復禮顏子即請問其目何等貼切其在聖門天分最高至不遷怒不貳過二端可以追聖矣不遷怒可以致和不貳過可以致中中庸云致中和天地位焉萬物育焉顏子學問幾於聖矣此其三江蘇本古吳地自越獻西施於吳王夫差寵之築臺以貯名曰姑蘇臺蘇者美字之意

八。又建爲田令孜養子。令孜謂陳敬煊曰。王八。吾兒也。世以王八相詈。或本於此。

吾鄉謂不知何年乃有曰須至卯年。考北魏史李孝伯與宋張暢相見。孝伯曰。魏主欲帥師飲江湖。以療渴爾。暢曰。若北馬遂得飲江。便爲無復天道。先是童謠云。北馬飲江水。佛狸死。卯年據此。則卯年實本於此。

湖南稱兄弟之季曰老么。考宋鑑云。楊太又名么。蓋楚人謂年少者爲么云。則此語不自今始矣。

吾鄉稱先生者。但稱某某先。似乎歇後語。考史記鼈錯師於軻張恢先注曰。先即先生。據此則俗語或非無本。

汗衫二字。見前漢書萬石君傳注。師古曰。廁喻者。近身之小衫。若今汗衫也。

俗言送物與人曰送人事。考韓昌黎集。有謝許受王用人物狀。謝許受韓弘人物狀。其中以絹充人物。又曰人事。絹然則送人事之稱。當本於此。

吾鄉謠云。長兄爲父。長嫂爲母。考禮大傳云。謂嫂當母。已非禮矣。然史記陳平世家。張負以

贛江歸樞記

八

錫成印刷公司代印

女妻平誠之曰。母以貧故事人。不謹事伯兄如事父。事嫂如母。鄉謠蓋本於此。

俗語三十六着。走爲上着。考通鑑南齊王敬則曰。檀公三十六策。走爲上策。注宋人譏檀道濟避魏也。

贛人呼無賴曰爛子。考五代史高季傳俚俗。謂攘奪苟得。無愧恥者。爲賴子。猶言無賴也。故諸國皆曰爲高賴子。賴與爛音相近。疑本於此。

贛人呼炭之輕脆者爲呼炭。考康熙字典。燶炭作麩炭。白居易詩。日暮半爐麩炭火。本草煎藥。焙火宜用麩炭。麩音敷土音訛。作呼耳。

俗言南斗注生。北斗注死。出干寶搜神記管輅之言。

俗以龜蛋相詈。不知何解。考廣東有𧆉戶。俗呼蛋家妹。浙江有𧆉戶。俗呼茭白船。又呼江山船。皆畔逆子孫。自有明迄今限令舟居。不得與齊民齒。茲以𧆉同音。遂使四靈神物蒙茲汙。名則深堪詫異矣。

俗語有呼母爲家家者。考高齊諸王。謂嫡母爲家家。見通鑑。

吾鄉謂身上黑子曰誌。考史記高祖左股有七十二黑子。注漢書師古曰吳越俗謂之誌。誌者記也。

俗呼寄養之母曰乾娘。考高齊天統五年齊王在襁褓陸令萱養之謂之乾阿嫗當本於此。吾鄉謂婿爲半子。考唐吐蕃傳可汗上書昔爲兄弟今婿半子也見知不足齋叢書。堪輿家有言吉地當絕而後發甚無理解考史記趙世家趙盾夢卜之兆絕而後存後趙朔族滅而趙武以遺腹延祀俗言殆本於此。

贛人謂母雞伏蛋曰抱。考方言北燕朝鮮冽冰之間謂伏雞曰抱。

吾鄉謂圓形而勻分五孔者爲古老錢。考猗覺寮雜記今之五銖世謂之古老錢皆漢所瘞者唐監發掘之禍易以楮錢亡者之幸也。

江西泰和人謂雞蛋曰博博。考猗覺寮雜記北人食麵名餌飪陳亮答朱子書巧新婦做不得無麵飪蓋言餅也。五代史李茂貞傳朕與宮人一日食粥一日食不托不托俗語也案今日京師猶呼麵餅爲餌托而麵店招牌大書餌餌殊不可解考餌音勃訓麵餌也長也音

贛江歸櫂記

九

錫成印刷公司代印

義俱不合。京師人文淵藪何無人一正其誤耶。若泰和人以麵餅之名移之雞蛋則匪夷所思矣。

穿耳不知所始考莊子德充符云爲天子之諸御不翦爪不穿耳豈穿耳始於古歟。

十日午過大孤山。鞋山孤峙湖中高可五十丈周約百丈係橢圓形南面一寺計三進隱約蒼松翠柏間峯頂一塔高於雲齊四面石壁峻險十分誠奇觀也。是山孤峙鄱湖與馬蹟山有馬蹟山龜山獨孤山遊記下午三時至湖口縣古柴桑地在鄱湖長江交界處距南康八十里停泊西門偕幼一毓雲穿城一遊直徑不二里彈丸之城也至東門稅務分所訪同鄉談耕莘君名久別故人暢話三年離緒不覺時之長也四時二十分與談范凌三君偕遊石鐘山山在北城門口半負城郭半臨湖緣階而升盤旋三折至半山約七十餘步有一亭曰小憩再迂回四十步達其巔有一寺連互錯綜不啻萬間現爲水師駐紮尋常過客不能越雷池一步余等與談君偕方得入蓋以湖口爲江西門戶扼守尤當嚴密也其寺門額曰紺園入門後先從左側廊下穿竹徑過方丈室繞道至大雄寶殿殿之東偏爲船室花徑影移露臺氣爽飄飄然如身入白雲鄉也。

再由船室繞過假山石洞。石街曲折。過地藏室。一覽亭。而入雪洞。約三十餘步。出洞口。花草千叢。池魚唼水。真覺活潑。地無一絲障礙。再沿闌干。登雲路。雪洞對歷階而上。有一閣。廣數十間。雖當六月。絕無暑氣。就中名人撰句。以清侍郎彭雪琴爲最多。中有聯云。長嘯一聲秋月白。寄懷千古遠。山青四面牕櫺全。城在目。復偕幼一等。由閣對面。扳崖而下。踏苔岑。攢花叢。沿流泉攀怪石。高下其步。如尋桃源古洞。迷其所往。正驚訝間。忽老僧自左側瓜篷下。蹁躚而來。合十致敬。指點迷途。遂得由仄徑。達坦途。至茶亭。有頃。入洞室。黑黝黝不辨五色。約數十步。始豁然。開朗洞口。一溪。有石橋通焉。緩步北向。降階至且閒亭。過昭忠祠。不盡名人翰墨。由東入方丈室。曲巷斷連。直達江天一覽。四字爲紀曉嵐所題旁有候病號填浪淘沙詞懸崖峭壁老柏古藤面望大湖下臨無地憑欄遠眺見十丈驚濤怒聲格鬥觀之令人氣壯亦令人心寒余笑謂幼一曰坡老石鐘山記鐘聲一語至今實至其地領略濤聲始知文人才子別有懷抱別有寄托不必泥而論也率成七律二首。

石鐘底事不平聲。江水千秋去若奔。幾代興亡隨白浪。四方離亂又黃昏。連帆名利勞人夢。

遠岫淒迷旅客魂。我獨登臨無限意。聊將遊屐洗塵痕。幾次回身足又留。徘徊高閣轉增愁。鄱湖未必眞天塹。庾嶺應知等土邱。羣說英雄造時勢。我隨塵俗共沈浮。蹉跎歲月慚佳景。計到人間廿二秋。

俄有小僧率可香者。汲泉煮茗。老僧執拂。板談禪語。詩心一齊了。澈茶後。偕幼一及伊子。往初。江西心遠中學畢業。登高遠眺。梅家洲周圍百餘里。宛然在目。述及彭公被困在此四年。曾公濂。笙屯兵九江。出萬死一生。圖救於鄱湖故事。爲之寄慨。以夕陽西下。暮色動人。遂購墨碑數紙。躡躅歸舟。已八下鐘矣。

十一日入長江西望廬山。若離若即。回憶昨年游廬山。訪陳揆。一不遇。留宿白鹿洞邊。轉瞬已爲陳迹。但見白雲裏。飛舞晴空。若不忍遽別。余者爰題廬山雲一首。西謝匡廬。周時匡初名匡山。迨宋太祖登極避帝諱。改稱廬山。續此層巒聳徹九重天。萬朵晴雲燦日邊。乘化長留真面目。此中應住散神仙。牯牛半壅歸鴉沒。白鹿深封舞鶴旋。異日重遊來勝境。浩歌好上碧峯巔。

又在舟中和友人飛絮影落花聲二首步均

一色漾溪垠。迷離起瑞霧。千絲牽落日。萬點逐浮雲。春去痕還駐。風輕迹正紛。飄飄何所適。
有意獨憐君。(飛絮影)

錦繡壓溪垠。臨風起翠霧。閒敲波上月。輕點渡頭雲。流水無言去。沾泥逐隊紛。俗人聽幾許。
妙諦總輸君。(落花聲)

上午十時過小孤山。亦稱小姑山。湖口六十里。聳峙江心。石壁嶙峋。高與大孤山等。周亦同。山爲圓錐形。山頂南面有寺一所。無塔亦形勝之一。有彭雪琴率水師克復小姑山。摩崖題壁詩書生揮。指戰船來江上。旌旗一色。開十萬雄師。齊奏凱彭郎。取得小姑回。儒將風流令人羨。絕東岸彭澤縣城堙。蜿蜒山上形似長蛇。街市深藏山間。外面不見片瓦。城中瘴氣頗多。對於軍事亦扼守爲難。十二時至馬當山停泊移時。山當贛皖之交。在贛省境內。踞長江東岸西向。其峯有三。距小姑山三十里。昔王勃夢水神助風一帆即此地也。峭壁崢嶸。高與大孤小孤等周大三倍。上分兩層。上層有亭三。下層有寺四。均破落無塔。並少松柏。惟細草如茵而已。山北江

贛江歸權記

十一 錫成印刷公司代印

水起大旋渦。舟行不利。蓋因東面馬當灣入江之水不平故也。若遇大風雨或大水暴漲時。則旋渦更急。舟子有戒心焉。下午四時停泊華陽鎮。距馬當山六十里。該鎮亦一荒市。除王瓜豆腐而外。一無所有。是時凌夫人陳適有娠。幼一笑謂生產期可以預算否。余應曰可。但須從月經最終日算起。有公式 $-3 + 7$ 以證之。算法如左。

設月經最終日爲六月十五日。問何日生。

準公式 $6,15, -3 + 7 = 3$ 月 ²⁵_日 生

設五月初三日。月經最終。問何日生。

準公式 $5,3 + 7$ 月 ¹⁰_日 當於明年二月初十日生。

設月經最終之日爲二月十八日。問何日生。

因2月18日之2不足公式3之減。故加12月爲 $(12 + 2)$ 月18日

即 $14,18, -3 + 7 = 11$ 月 25 日 生

按馬當形勢與南通狼山相似。民國五年秋余赴南通參觀教育會游狼山。別有參觀筆記狼山游記題一絕於山之塔頂。長江作硯水爲波。欲把狼山當墨磨。更有劍峯在狼山旁。尖似筆青天漫寫不嫌多。

十二日下午三時抵安慶。安徽省垣停泊西門。距華陽鎮百五十里是日熱度陡增至九十以上。九時大風雨江水沸騰。竟夜未睡。因歸心如箭。又作思鄉不寐各一首。

寂寞江濱日影孤。片帆高掛出鄱湖。浪翻南北天開合。水濶烟雲山有無。萬里鄉思催去權。一篇秋雨認歸途。遙峯疑是穹窿疊。風景依稀到古吳。

興會蕭然句不成。枯腸搜索夜三更。揩狀輒側衾裯亂。比榻鼾眠星斗橫。打破岑懷翻沈韻。放開愁緒付江聲。無聊莫爲無聊誤。詩到無聊意轉清。

十三日阻風未行。冒雨獨往城中遍遊。訪將校講習所長吳吉初君。不遇而返。與幼一談及此地爲皋繇之後。古皖伯國。春秋羣舒之一地。勢則西北高東南下。江水三面繞城。濕氣最盛。對於軍事上爲必爭之地。因江路上通九江。以小姑山爲阨。東順流下江寧。以東西梁解良久乃已。

按予曾於甲寅秋月撰『二百五解』一篇。登載武進報。茲錄出之。

諺有二百五之綽號。及物品值二百五時。必避之。或買主故縮至二百五以內。或賣主故漲至二百五以外。甚且有與二百五暗合者。如五百爲兩個二百五。七百五十爲三個二百五。一千爲四個二百五之類。設有人不說五百七百五十一千。而曰兩個二百五。三個二百五。四個二百五。聽者必以爲不雅。一若最惡劣之名詞。然然究問其二百五所由來。因何避之。如是之急。則數典忘祖。紳先生難言之。雖然。竊以此非惡劣名詞也。何以言之。譬諸古代文字。示人覩某文字。卽起敬國君之意耳。滿清入關伊始。定諸王貝子俸銀。攝政王三萬兩。輔政王一萬五千兩。親王一萬兩。郡王五千兩。貝子二千五百兩。夫曰二千五百。曰五千。曰一萬。曰一萬五千。曰三萬。皆含有二百五之分子。爲二百五之公乘數。

析言之即一百二十個二百五六十個二百五四十個二百五二十個二百五十個二百五後人遵廟諱之例習焉忘察至滿朝有數百個二百五之多而轉莫辨其爲溢美溢惡之名詞吁詎非咄咄怪事哉吾願世人蒙此嘉獎者居之勿疑而肆口謾罵者亦毋輕以贈人也可

與幼一談燈謎原始幼一曰謎卽古人之隱語亦曰廋詞楚莊齊威俱好隱語國語秦客能爲廋詞漢劉歆有隱書十八篇未傳於世惟有卯金刀千里草出於風謠者猶存一二東漢隱語盛行謂之離合體如蔡中郎書曹娥碑陰而楊修解爲絕妙好辭是也其名曰謎始於曹魏六朝尤盛宋延祐間東坡山谷少游介甫以隱字相倡和者甚多刊書四冊曰文劇金章宗好謎蜀人楊圃祥編謎書曰百斛珠元亦有謎書二曰揆叙萬類曰包羅天地前明刊爲成書者曰謎社便覽曰千文虎近今俞曲園太史有十五家謎選采新流覽之知文人雅事才子清興自異尋常爲博爲弈猶賢乎已是謎非猶賢乎博與弈者乎

按宣統三年贛垣詩鐘盛行予射四則錄如下（一）「龍燈」「驚堂木」籠紗合慶元宵節

贛江歸櫂記

十二 錫成印刷公司代印

拍案方知獄吏尊（二）「江瑤柱」「道士」勝啖荔支三百顆應宗李耳五千言（三）「女教習」「香菜館」薪傳式仰文明母風味如臨墨細哥（四）「臘丁字」「石鼓文」詞典淵源溯羅馬籀書點畫辨其魚

十四日幼一之甥王榮大人常熟向在景德鎮磁店畫碗此次因病療偕返家鄉不意天時驟熱悶睡舟中病驟變卒於舟舟子奇貨可居大費周折適毓雲帶回楠柏杉壽枋五具幼一售其杉木者價三十元料理身後事殊忙碌故又停泊一天但是日陰雨淒迷狂風駭浪一息不停即無他故亦必停舟余挽一聯

顚頓客中人久病思歸爲惜殘軀鄰野鬼

淒涼身後事孤魂遠寄空携旅櫬返琴川

水名在江蘇常熟縣治

十五日上午十一時阻風停泊大池溝鎮^{距安慶五十里}野店荒涼貿易甚少其江之左岸夕陽時漁家晒網綿接十數里蓋皆網取魚苗販九江等處者對岸有砲臺一江面以此爲最窄是日幼一在船中整理榮大衣篋蠣殼如貫珠余笑問蠣字見於何書爲古幼一曰阮籍大

人先生論。君子之交域內。何異蟲之處裨中。及搏牛之蟲。不可以破蟻螽。尚在商子之後。不足爲古。惟古有蟲官。見於商子。漢書藝文志傳。商君書二十九篇。後亡其三篇。內以仁義禮樂爲蟲官。蓋仁義由人心生。猶蟲由人垢生。譯蟲字之文似易。生且密之意。

十六日停泊大通鎮。溝百里見未剪辮者尙有十之二三。大抵自食其力之農夫與寄人籬下之工夥等居多數。又見競渡之龍舟。紅旗招展。鉦鼓喧鬧。來往如飛。噫。新制用陽歷。現已六月中矣。尚何端節之足稱。中國人積重難返。即此可見。爰賦感懷二首。

底事衣裳一簇新。家家豫備慶良辰。醉生似我曾無益。俗例趨時莫認真。有志上求王鎮惡。多情逕弔屈靈均。榴花映眼渾如血。點纓歸途最動人。

搔首蒼茫欲問天。看他人盡着先鞭。埋頭墨囊原非計。探手詩囊不是錢。故國榮懷千里外。殘杯強醉一燈前。朝秦暮楚因何事。贏得新愁似舊年。

按唐張說上大衍歷序。以八月五日爲端午。宋環請以八月五日爲千秋節。表云。月惟仲秋日在端午。則是凡五日皆可稱爲端午也。又文宗開成元年曲江賜宴。以三月十三爲

贛江歸櫂記

十四

錫成印刷公司代印

上巳九月十九爲重陽。劉楨魯都賦。則以七月十四爲修禊。蘇軾在海南。藝菊九畹。則以十一月望爲重陽。俄皇彼得改舊歷。九月一日之元旦竟從歐制。以正月一日爲元旦。可見對於時節。牢守不變。不獨不合。現世界趨勢。抑亦非我國古制也。

十七日北風甚緊。下午四時停泊錦衛洲之三山峽。距大通鎮百二十里雖有茶坊酒肆數家。俱披茅屋。因江水暴漲。便於遷徙。故也。人民大半業漁。故魚肚及數十斤之大魚頗多。購價亦最廉。毓雲曾購魚肚三元。當晚炙而嘗之。味頗不惡。因與幼一談。聖賢經傳。秦火而後。僞者頗多。惟論語一書。最可爲後人取法。現在小學廢去讀經。將來或至廢去國文。廢去歷史。種種文學。亦可知。相與慨然。

按中國文學運用虛字。當以論語爲祖。觀易經。繫辭知孔子實倡行虛字者也。而文從字順。高小學生讀之。無不宜。古稱周誥殷盤詰屈聲牙。然而晚唐樊宗師之文。時號澀體。昌黎稱爲戛戛獨造驟觀。之竟不易句。如絳守居園池記。其著者也。樊字紹述。有樊紹述集。昌黎謂其書總六十卷。雜文三百十一篇。詩七百十九首。今皆亡矣。獨傳是記與縣州詩序兩篇。註是記者有宋王辰。劉忱。元趙師尹。許謙。及吳氏三家。今無錫圖書館有絳守居園池記註兩本。爲其裔。

十八日。上午十二時。停舟蕪湖。爲皖省一大商埠。亦一縣治也。相傳因水草多而得名。山峽三里。下午三時。訪李崑山君。人南於米捐局。並送還肩輿。暢談別緒。即偕飲於桃潭旁之湧泉館。築室水中。窗櫺四面。綠波清水。曲徑廻廊。爲夏時最好宴賓之所。較江西省垣東湖畔之湖綺樓。有過之無不及也。賦留別一首。

七旬闔別。情殊切異。地相逢意倍深。明日江南少知已。一樽敬謝故人心。李君於二月杪辭去客籍。學校會計職來蕪湖。

十九日。舟人因賞午節。初五未行。偕幼一號雲逛洋場。有戲館一。因在閉幕期內。遂各購噙嚥水兩瓶而返。閒無所事。與幼一敲棋舟中。賦詩一首。

客舫閒無事。怡情藉手談。玄微奇橘究歲月。爛柯耽一着。安危定相持。趣味探東山。今在否。勝負欲同參。

二十日。過東西梁山。山在長江兩岸。南北對峙。若錢塘江口之龕赭兩山然。山頂各有古廟。

贛江歸櫂記

十五

錫成印刷公司代印

一樹木甚少。山勢低平。比之馬當小孤等山。直培塿而已。光復後。各駐砲兵於其上。以資扼守。下午三時。過采石山。泊刻許。一名采石磯。相傳孫夫人投江於此。故山上有孫夫人廟。今亦大半零落矣。廟內聯語頗多。惟吳某所撰之思親淚落吳江冷。望帝魂歸蜀道難。一聯爲最佳。人謂吳某留宿廟中。此聯蓋得之夢中者。又聞有白石香鑪一座。高約三尺。鐫有李白詩。寺僧名以玉鼎。每閱一次。須銅元一枚。僧道之巧於生財。往往如是。余以開舟在即。未及往視。六時停泊九洑州。及大勝關之間。距蕪湖百三十里。此地四無村落。蘆葦萬叢。爲巨盜出沒淵藪。各抱戒心。竟夜未睡。幼一酒後。與舵工高談民主君主之利弊。幾欲將平生所蓄。傾倒出來。歷三小時之久。而聽者不識不知。仍一無所得也。

按顏子有幾聖之功。故孔子與之言終日。皆足以發。非然者。雖博學堅忍。如英國名相格蘭斯頓。Grant。十九世紀中葉聽達爾文。Darwin。演講進化論。未幾沉沉睡去。可見聽者之程度。亦未可苟忽也。英相且如此。况舵工乎。

二十一日午至南京。今稱江寧。停舟下關。距昨泊之地五十里。偕幼一號雲二君入城。至四牌樓。見大鐘亭。

鐘高丈餘周可二丈相傳北極閣在雞鳴山上聳立空中其依然如故。去秋光復時余在賴
爲明太祖視朝之警鐘最上層余曾題句於此垣有張勦屯兵於此
地已刻爲平出南門遊劉園爲劉伯溫花園遺跡已夕陽荒草非復當年情景矣猶記余於光緒三十二
年之謠

年與凌雨辰偕遊是園似與石鐘山相類之點頗多雖石池半卸苔綠上階大都零落然池
上一閣有一匾刻天光雲影爲朱熹所寫旁懸一聯客至憑欄活潑詩心潭底月我來消夏
清涼世界水邊亭而今竟何如有不勝王謝烏衣之感者遂遊雨花臺費小洋兩角購花紋
石子五枚三時雇人力車繞至西門外遊莫愁湖見明將徐達清臣曾國藩之肖像宛然如
生惟一則漢冠威儀一則編辨垂後爲不同耳西首有水閣一遊人雜沓汗臭薰人湖內荷
花萬朵採花者出沒花叢饒有興趣閣中聯語如織有彭雪琴一聯云王者五百年湖山具
有英雄氣春光二三月鶯花台是美人魂上聯指徐達下聯指盧莫愁深喜其得自然趣也。
按去春教育廳開第四次省立學校聯合運動會及第一屆成績展覽會予與韓君可吾
秦君有成等率同省代用女中學生四十五人赴寧與會公事畢逍遙湖上曾廣斯意題
一聯於閣之左壁。

贛江歸櫂記

十六

錫成印刷公司代印

看不了亭邊古堞樓外春波極目盡湖山如許乾坤歸一覽
說甚麼開國元勳中興賢佐大名垂宇宙全憑兒女豔千秋

予臨湖景茗巡視一周成七律一首

仗劍飄零幾度秋浮踪無復憶前游九州鑄鐵都成錯萬里殊勳取次收首與俗人超孽海
還同仙吏住瀛洲何時擊楫中流去紀績歌功古石頭
出至湖畔粵軍墓亭一覽英雄埋骨黃土亦香猶記姚雨中一聯甚壯「渡江偕子弟八千
淮上收功破虜永除專制政」「流血數健兒廿個國殤不死雄風長在莫愁湖」
五時入城至夫子廟途遇金楚青君卽小飲於秦淮河名發源於茅山與胥江合流東折而注入吳淞江者河中舟如
蟻集笛韻歌喉聲迷耳鼓人多於鯽妓艷如花噫四郊多壘何商女不知亡國恨也金君言
及黃留守交卸事輒咨嗟不已訪孫太紹君未遇八時即乘汽車出儀鳳門歸舟時已十下
鐘矣預算明日可以到家喜極而寢。

二十二日七時乘寧滬汽車經下蜀高資鎮江丹陽呂城奔牛等地至常州正十時半小憩

於浦宅。當由浦祥生君出二弟煥義蔚前三日函急啓。其中有父病垂危急返尙可一面云。
云。後吾父歿於夏歷八月十六日未時連圈火速大驚失色即揮汗攜囊出西門乘小汽船六時抵家。

今歲暮春武進李先生冷厂以近年來傑作編纂一書顏曰冷厂文存就印於無錫錫成公司值秋魂任公司校讐每至日薄崦嵫先生輒欣欣然來催促出版更蒙降格下交殷殷指導文字中樞紐啓後覺獲益良多秋魂幼而失學丁而就商經史文章束諸高閣年來欲求一學問深邃之良師從而執弟子禮藉研學業然終不可得如李先生者先生爲武進名宿學問高超任教於梁谿競志女中學及輔仁中學固當世之鴻儒也秋魂自媿菲才度不足受先生教耳迺者先生又有王子賴江歸權記之刊敘述贛省諸名勝纖悉靡遺得意處綴以詩詞尤饒神韻凡方言廋詞發人興趣者無不備吾於是益愛先生之文付梓旣畢爲贅數言聊誌景慕云爾中華民國九年雙十節小友秋魂王福震跋於惺然室

賴江歸權記

十七

錫成印刷公司代印



李法章編著書目

冷厂文存

一册三
角

論文叢編

一册三
角

單級教授利用法

一册五
分

代用小學編定案

一册五
分

教育譚

一册兩
角

馬蹟山遊記

一册四
分

南通參觀筆記

一册六
分

鄉小學校長之困難及其解救法

一册在印刷中

冷厂聯存

冷厂文存二編

不折不扣
一角五分
每冊大洋